

պիր պօլուբ Զարօրօհկա պարտըլար, քի խազախնը զնէսիզ էղքայլարէտի. էվէդ պիյ թէնկրի պօլուշմատը քէնտիլարինա, խայսի քի եուզ խարախը պիլա քէրի խայդըլար:

1615. Թվ. ՌկԳ. Սեպտ. Ին, երեսաշգուն. Դադար էլլիսի քէլտի Քամէնէցքա, խայսի քի պաշխլար պիլա քէդէլյրէտի քշօնժէկա Բան֊Քուաքօվս. քիյկա, տա պիրկասինա 12 աթըլը Թադար պարէտի:

1615. Թվ. ՌկԳ. Նոյեմբ. Դ, այնագուն. Նէմիշ էլլիսի քէդդի քօրօլտան թուրքքա. աթըլը Դարկօվքիյ:

1615. Թվ. ՌկԳ. Նոյեմբ. Ը. Եէզուհիլար քօմէտիյեա էդդիլար. խայսի քօմէտիյեա արասընա պիր քօմէտիյեա տաղըն պօլտու, քի ազ պիրիպիրին ալբավուդլուխ օլտուրմատիլար. էվէդ քէսիշդիլար:

1615. Թվ. ՌկԳ. Նոյեմբ. Ժն. Խօթին խալասըն քօրօլ րօպքազադ էդդի Օլախ պիյինա թօմշակա օտադ էդմա. նէտա քի օտադ էդդիլար:

1615. Թվ. ՌկԳ. Նոյեմբ. Լ, խայնգուն. Նիկօլ Տէր Գրիգոր օղլունունկ սընկարը Հօքքա Յովմանէս քէվօր խըզը քէշդի պու տունեատան. խայսի քի բրիչիւսաը օղլան թօղուրմախէտի, քի օղլաննը թօղուրտու դիրի, տա քէնտի դարազ ճանըն թէնկրիկա սիմարլատի. Պիյ թէնկրի ճանըն դընտըրկայ արդար տա թողու ճանլար պիլա, տա էքինչի քէլկանինա քէնտինինկ ճանը թէնի պիլա պիրլադիր տա յումամըզկա քօրա պիզիմ օլուտան դուրդուզկայ, տա Փրիշդար դասընա դասել էղքայ. Ամէն. եղիցի:

1615. Թվ. ՌկԳ. Դեկտ. ԺԸ, երեսուն. Պետրոս Տէր Գրիգոր օղլու Տէր Յովսէփնընկ խարտաշը էլլիլլին քէդդի օլախ պիյինա թօմշակա, նէչէք ձէսարուն պիզիմ քօրօլտան ուշունճի Զիկմունդդան:

1616. Թվ. ՌկԳ. Մարտ ԻԸ, նօկարիգուն. Զուպուխ ուրուքան ալնընա. Եուրքօ մուժիք թօրնու Նիկօլ Խայչինսքիյնինկ օղլու օղուրլուխ էդիբէտիր պիր Դուրք գիշխինտան. խայսի քի Լիցա պիլա դուդուբ՝ տա դորասին էդդիլար՝ քի ասըլկայ. տա խաչան քի քաթ ալըբ էլղքանտա ասմա, նա չըխը խարը պիր Էրմէնի խըզ, տա քաթնընկ խօլունտան օտնեաթ էդդի, քէնտին տա չըխը շահարտան խայդըլար. ա՛ պու պօլտու լէնդվօյթլուխունա Բան Կուրեղ Տիրատուր օղլունունկ. տարուսու հար եամանկա:

1616. Թվ. ՌկԳ. Ապրիլ Ա, շարաթքուն. Ս. Նիկօլ երեսօվունունկ ուլու չանկնընկ պուտուր իկիթլար չանկնընկ վալըն հանկիտան եասագրտըլար, հայպաթընա Պիյ թէնկրիինինկ:

1616. Թվ. ՌկԳ. Ապրիլ Ի. Բան Լուքաշ Հրիցքօվից ուշունչի երկա վօյթ դանկլանտը. թէնկրի խութլու տա սըդարալի էղքայ. Ամէն: